

續纂靖安縣志卷之五

武備志

兵革事乾隆辛未志歸雜誌中道光乙酉易兵草爲武事今總曰武備志分作兵制武事言制則營汛將弁餉額皆有樞政可紀其曰武事則前後用兵始末詳焉宋施宿會稽志有討賊平亂二篇今倣其意

兵制

宋元以前兵制無考

前明崇禎十年巡撫解學龍題設守備一員又雙坑哨哨官一員

靖安縣志

卷之五

武備

一

國朝因明制額設守備一員千總一員

康熙二十二年酌定本鎮營伍所有前設守備千總二員邑志未載或於是年裁缺

經制把總一員

隸鎮標後營專防縣汛管轄各塘汛巡緝奸匪訓練兵技外委把總一員

隸鎮標後營協防汛務雍正七年新設駐防龍頭均塘汛餉額

戰兵九名每月每名餉銀壹兩肆錢伍分  
守兵六十九名每月每名餉銀玖錢柒分

通共七十八名每月共餉額銀柒拾玖兩玖錢捌分  
駐防把總廳康熙二十年知縣鍾芝豫於城隍右廢倉舊址  
剏建前後兩重屋九間

協防外委廳舊無署借寓公所

龍頭均塘汛在茅竹山下距縣一百一十里共屋七間瞭樓  
烟墩牌坊各一座

雙坑哨場在忠夏都距縣八十里舊設哨長堡兵久裁廢基  
存東至大路南至萬姓山及大路西至李姓山北至舒姓  
田操場一片亦官地

操場舊在北門外邱家洲明洪武十一年知縣朱宗晦置宏

## 靖安縣志

### 卷之五

武備

二

治年間知縣張伯祥建演武廳後爲水衝決遂移於金沙  
洲操演

額設防汛戰守兵原額八十名新奉裁二名每月撥十名分  
防龍頭均汛

舖遞

附

總舖在縣署前前後後共二間前間直一丈五尺橫八尺東至  
陳姓地西至舒姓地南至舖地北至街後直二丈四尺橫  
一丈四尺東至陳姓地南至項姓地西至舒姓地北至舒  
姓地及舖地

瓦橋舖在縣南十里斛桶山下屋一間直五丈四尺橫五丈

東至田西至田南至大路北至山

盆田舖在縣西二十里屋圯地存東至應姓墳地南至陳姓地西至大路北至范姓地

古港舖在縣西四十里屋圯地存東至湯姓田南至水圳西至舒姓田北至湧墜

黃茅舖在縣西六十里嶺頭上屋一間直二丈六尺橫四丈東至路西至智頂庵店屋南至山北至大路

招賢舖在縣西八十里上黃土屋一間直八丈三尺橫五丈九尺東至田西至田南至大路北至田

以上六舖額設舖兵十三名房舍俱已久圯丈尺四至

### 靖安縣志

#### 卷之五

武備

三

仍照舊志開列

#### 武事

靖邑桃花源也自來罕見兵革事惟土寇間有竊發尋亦燔蕭灼艾自干刑戮焉耳就各志備爲搜輯以諗保障斯邑者而近年以來髮逆竄擾之區軍務始末畧敘于後

宋

景定元年元兵入境縣尉羅夢械巷戰死之

通志

元

至正十二年紅巾寇入境達魯花赤潮海與縣尹黃紹及邑

紳舒慶遠塗淵胡斗元謀拒敵黃雲戰死潮海黃紹皆死  
之

至正十四年賊兵復至達魯花赤民安圖迎戰死之

新補

至正二十二年春正月明兵取隆興路寧州土豪陳龍以分

寧奉新靖安武甯降

豫章書

明

正德五年江西盜起賊首胡雪二結寨華林及瑪瑙崖劫掠

靖安副使周憲督兵親討遇害其子幹亦死之南昌府知  
府李承勛勦平

案周副使本傳云死於華林寨此據支大綸忠烈祠記

靖安縣志

卷之十一

武備

四

謂在靖安遇害

正德十四年宸濠造逆餘黨凌十一閔念四百餘人逃至靖

安屯聚寶峯弩崖山知縣萬士賢勦治追至安義就禽

舊志

隆慶二年甯州賊渠李大變楊青山倡亂巡撫潘季馴遣守

備鄧子龍討之置營靖安雙坑哨

通志

崇禎十五年奉新梟下李肅十肅七謀逆邑人劉丁九捕之

被殺遂嘯聚爲紅巾賊推官胡時亨督率鄉勇力戰殺賊  
首李東陽等數白人衆皆就撫

案彭搏鳧鳴雜錄崇禎癸未四月司李胡時亨以監軍  
來奉新會靖安請分鎮遂居靖靖去賊營甚近得便宜

從事招塘港白兔潦原二千人梟勇異常乃合三縣同日進勦賊大敗將官金國柱張獻表追入乾洲寨燬殺無算賊皆奔逃國柱遂禽二賊以歸時兩縣議撫事成鄉勇與義士帥益寰諸人不從賴時亨多方調攝勦撫並用六月餘收拾殆盡持節班師然則胡司李之大有造於靖與吳副使一貫李知府承勛同而府志本傳竟漏載此事惟奉新志頗詳特附識之後之修祀典者當爲之請入名宦也

國朝

順治元年十一月武甯縣昇仁鄉土賊劉照華糾聚柯賊寇

靖安縣志

卷之五

武備

五

靖安礮坑都鄉勇邀擊賊潰首就撫斬之

武甯縣志

順治三年春二月瑞武大盜由靖安至龍頭均

奉新縣志

順治五年金聲桓王得仁據南昌反授武甯守備鄧雲龍僞

劄爲都督是年鄧寇攻陷靖安次年踞甯州大將軍譚泰

降其眾以雲龍歸

順治十六年三月盧洪十倡亂華坊坪聚黨千餘行劫村市

知縣屠尙參將張允重領兵進勦賊逃入深山渠魁就殲

閱月周家埠潛良四入城刺殺典史時傑九月逃賊復擁

衆突至適霜降操兵防守千總李得功迎敵力戰尋卽勦

獲

案時傑死賊與李得功破賊詢之故老非一時事高志  
誤并爲一茲攷正

原跋

康熙十三年吳耿背叛駐防把總陳德明陰結奸民劉往七  
張采七合黨二百餘人據城反旋散去十四年八月及十  
五年三月兩次攻城知縣林鍾守備徐朝試防守千總□  
芳力拒却之隨散隨聚生員趙璧涂芳奉委招撫賊衆投  
誠

案林鍾時已由豐城縣丞陞靖安知縣舊志尚載原官  
茲爲更正

又案武甯縣志是年江西總兵官楊富謀反事覺被誅

## 靖安縣志

### 卷之五

武備

六

餘黨竄靖安以白布裹頭曰白頭兵又南康府志是年  
冬甯武奉靖盜首劉往七戴明曉等攻陷建昌蹂躪安  
義又奉新縣志十四年春新昌賊與甯州靖安賊合焚  
劫無虛日蓋其時各境騷然至十六年

大兵勦撫乃始悉平

### 武事

咸豐四年武邑匪徒張定沅等勾結髮逆分竄靖安毆家源  
馬坊樓前等處知縣劉清華會同委員候選縣丞項松慶  
把總黃雲龍率塘埠礮坑團勇擊退後仍擁衆屯聚坪坑  
經委員項松慶會同邑舉人舒孔安副貢李成蹊生員王

立綱等率勇至坪坑將巢穴焚毀逆匪張輝林就擒  
咸豐五年十二月髮逆竄據靖安知縣下世培親詣忠礪兩  
都催團恢復六年正月二十四五六等日率塘埠哨前官  
庄南村礪坑鄉團在高湖地方與賊對仗被賊擊敗賊復  
勾結大股於是月三十日圍攻塘埠紳勇拚挺鏖戰曾獻  
謨黃鵠翱陳夢松羅鳳喈曾小山等戰死鄉勇陣亡殉難  
者共三百餘名凡與塘埠切近哨前等保被害亦多至七  
月賊退統領吳坤修將縣城克復

咸豐十一年四月髮逆復竄靖安賊勢凶暴較前尤酷各鄉  
均起團練北河石下保鄉團在長坪與賊對仗胡懿棠劉  
靖安縣志 卷之五 武備 七  
德仁周世瑞等戰死同日陣亡殉難四百餘名至七月聞  
統領鮑超兵至知縣陶黼昌督率綏靖軍及各鄉團克復  
縣城賊皆敗走